

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 28. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2022. godinu, („Službene novine Zeničko-dobojskog kantona“, broj: 1/22 i 14/22) i odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), a na prijedlog Ministarstva za privredu/gospodarstva, Vlada Zeničko-dobojskog kantona, na 167. sjednici, održanoj dana 11.08.2022. godine, d o n o s i

ZAKLJUČAK

o usvajanju programa utroška budžetskih sredstva u 2022. godini (Subvencije privatnim preduzećima i poduzetnicima - ESCROW)

I.

Usvaja se Program utroška budžetskih sredstava u 2022. godini – (Subvencije privatnim preduzećima i poduzetnicima - ESCROW), Ministarstva za privredu/gospodarstva Zeničko-dobojskog kantona, u iznosu 1.500.000,00 KM (slovima: jedanmilijonpetstotina konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizirat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

PREMIJER

Mirnes Bašić

Broj: 02-_____/22

Datum, 11.08.2022. godine

Z e n i c a

DOSTAVLJENO:

1x Ministarstvo za privredu,

1x Ministarstvo finansija,

1x a/a.



PROGRAM
UTROŠKA BUDŽETSKIH SREDSTAVA ZA 2022. GODINU
(Subvencije privatnim preduzećima i poduzetnicima-ESCROW)

Zenica, avgust 2022. godine

PROGRAM
UTROŠKA BUDŽETSKIH SREDSTAVA U 2022. GODINI
(Subvencije privatnim preduzećima i poduzetnicima – ESCROW)

I UVOD

Zakonski osnov za donošenje Programa utroška budžetskih sredstava u 2022. godini – (Subvencije privatnim preduzećima i poduzetnicima - ESCROW) sadržan je u članu 28. stav (1) i članu 46. stav (1) Zakona o izvršavanju budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22) i odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20).

Program je usaglašen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

II IZVOR FINANSIRANJA

Budžetom Zeničko-dobojskog kantona za 2022. godinu („Službene novine Zeničko-dobojskog kantona“, broj: 01/22 i 14/22), planirana su finansijska sredstva, ekonomski kod 614500– Subvencije privatnim preduzećima i poduzetnicima - ESCROW u iznosu **1.500.000,00 KM**.

III ALOKACIJA SREDSTAVA

Imajući u vidu raspoloživa sredstva, te obaveze koje proizilaze iz Godišnjeg plana rada Ministarstva za privredu Zeničko-dobojskog kantona za 2022. godinu i Programa rada Vlade Zeničko-dobojskog kantona za 2022. godinu, Ministarstvo za privredu je planiralo utrošak sredstava, na sljedeći način:

- Utrošak sredstava u iznosu od **1.200.000,00 KM** planiran je za razvoj konkurentnosti privrede, promociju i razvoj poduzetništva i poduzetničke kulture, razvoj turističke infrastrukture i ponude.
- Iznos od **300.000,00 KM** (20% od 1.500.000,00 KM) planiran je za zakonom utvrđene obaveze sanacije i osiguranja osnovnog kapitala fonda Federalnog zavoda za penziono i invalidsko osiguranje.

Na osnovu člana 5. i 6. Zakona o Razvojnoj banci Federacije Bosne i Hercegovine („Službene novine Federacije BiH“, broj 37/08), člana 33. Stav 2. Zakona o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), te tačke II. Zaključka Vlade Zeničko-dobojskog kantona broj: 02-14-15200/17 od 02.11.2017. godine, Razvojna banka Federacije Bosne i Hercegovine i Vlada Zeničko-dobojskog kantona zaključili su Ugovor o namjenskom depozitu broj: 07-14-19795-9-1/14 od 21.12.2017. godine.

Članom 3. stav 1. tačka 1. Ugovora propisano je da „Sredstva depozita iz člana 2. Ugovora će se koristiti u skladu sa pojedinačnim odlukama Vlade Kantona, s tim da se 20% ostvarenih sredstava koristi za sanaciju i osiguranje osnovnog kapitala u Fondu penzijskog i invalidskog osiguranja, a ostali iznos sredstava depozita će se koristiti za:

1. Poticaje privredi na području Zeničko-dobojskog kantona u skladu sa programima utroška Ministarstva za privredu Zeničko-dobojskog kantona, a na koje saglasnost da Vlada Zeničko-dobojskog kantona...”

Slijedom navedenog, ESCROW sredstva (sredstva povrata rata kredita odobrenih iz sredstava

ostvarenih prodajom preduzeća u procesu privatizacije) realizuju se preko Razvojne banke Federacije Bosne i Hercegovine (deponovana kao namjenski depozit Vlade Kantona) u skladu sa pojedinačnim odlukama Vlade Kantona.

Dinamika deponovanja sredstava sa ESCROW podračuna u sastavu Jedinstvenog računa trezora (JRT) Budžeta Zeničko-dobojskog kantona kod Razvojne banke Federacije Bosne i Hercegovine i iznos od 20% ostvarenih sredstava za sanaciju i osiguranje osnovnog kapitala u Fondu penzijskog i invalidskog osiguranja, ovisit će od dinamike realizacije samih programa i njihovog odobravanja od strane Vlade Zeničko-dobojskog kantona.

Po pripremi odluka za odobravanje i dodjelu sredstava po planiranim programima utvrdit će se i ukupan iznos sredstava koji će se prenijeti na poseban fond Razvojne Banke Federacije Bosne i Hercegovine kao i iznos 20% sredstava za sanaciju i osiguranje osnovnog kapitala u Fondu penzijskog i invalidskog osiguranja.

1. PROGRAM RAZVOJA KONKURENTNOSTI PRIVREDE

UKUPAN IZNOS: 700.000,00 KM

Indikatori: Prihodi preduzeća, iznos izvoza, broj novih radnih mjesta, broj novocertificiranih preduzeća, vrijednost ostvarenih investicija

1.1. Podrška razvoju konkurentnosti privrede (investiranje u opremu)

Iznos: 300.000,00 KM

Svrha:

Jačanje preduzeća sa područja Zeničko-dobojskog kantona kroz tehnološko unapređenje proizvodnih procesa, digitalnoj transformaciji MSP-a, umrežavanje sa inostranim tržištima i poslovnim partnerima, sa posebnim fokusom na sektore sa najvećim potencijalom za ekonomski rast.

Vlada Kantona će subvencionirati dio troškova za nabavku opreme i mašina (stalna sredstva) za obavljanje djelatnosti.

Radi obavještanja korisnika o mogućnostima dobivanja sredstava poticaja, odluka se objavljuje u sredstvima javnog informisanja u formi javnog poziva za dodjelu poticajnih sredstava na oficijelnoj web stranici Kantona.

Organizacija-primatelj: Privredni subjekti sa registrovanim šiframa djelatnosti prema kriterijima

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2022. godini (ESCROW sredstva), članom 28. stav (1) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2022. godini, tačkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe namjenskih sredstava.

1.2. Subvencioniranje administrativnih troškova kod izgradnje proizvodnih objekata

Indikator: Površina izgrađenog proizvodnog prostora, broj novih radnih mjesta kao rezultat investicije, povećanje prihoda

Iznos: 300.000,00 KM

Svrha: U cilju intenziviranja investicija u područje proizvodnih djelatnosti, a samim tim zapošljavanja i razvoja, Vlada Kantona će subvencionirati dio troškova investitora (naknade za građevinsko zemljište, naknade za pretvaranje poljoprivrednog u građevinsko zemljište, priključne takse (vodosnabdijevanje, električna energija, grijanje, plin, telefon i dr.), administrativne, sudske i druge takse, naknade za rad komisija).

Radi obavještanja korisnika o mogućnostima dobijanja sredstava poticaja, javni poziv se objavljuje na oficijelnoj web stranici Kantona.

Organizacija-primatelj: Privredna društva registrovana za obavljanje proizvodnih djelatnosti u Zeničko-dobojskom kantonu, koja su proizvodni objekat izgradili na području Zeničko-dobojskog kantona.

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2022. godini, članom 28. stav (1) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2022. godini, tačkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe namjenskih sredstava.

1.3. Promocija privrednih potencijala Zeničko-dobojskog kantona

Iznos: 100.000,00 KM

Svrha: Promocija privrednih potencijala Zeničko-dobojskog kantona.

Vlada Kantona će subvencionirati troškove za promociju privrednih potencijala Zeničko-dobojskog kantona.

Radi obavještanja korisnika o mogućnostima dobijanja sredstava poticaja, javni poziv se objavljuje na oficijelnoj web stranici Kantona.

Organizacija-primatelj: Nefitne organizacije, privatna preduzeća i poduzetnici

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2022. godini, članom 28. stav (1) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2022. godini, tačkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe namjenskih sredstava.

2. PROGRAM RAZVOJA TURISTIČKE INFRASTRUKTURE, TURISTIČKIH DESTINACIJA I PONUDE

Indikatori: Broj turističkih posjetitelja, broj turističkih noćenja, prihodi od turizma, broj dolazaka i noćenja domaćih turista, stopa korištenja kapaciteta, broj uređenih turističkih destinacija, ukupne investicije u hotelijerstvu i ugostiteljstvu,

Iznos: 500.000,00 KM

Svrha:

U cilju unapređenja turističke ponude Kantona, te intenziviranje razvoja turističke infrastrukture i suprastrukture, a samim tim i uticaja na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata koje realizuju općine/gradovi, udruženja i fondacije i privredni subjekti (pravna i fizička lica) sa sjedištem u Zeničko-dobojskom kantonu, kao što su priprema i organizacija obnove i/ili izgradnje objekata turističke infrastrukture i suprastrukture:

- kupališta i plaže na rijekama i jezerima,
- turistički informativni centri,
- odmorišta pored puteva,
- otvoreni objekti sportske rekreacije i rekreacije za djecu,
- male vještačke akumulacije sa kupalištem,
- zabavno rekreativne staze i puteve (trim staze, staze zdravlja, vidikovci, panoramski putevi, biciklističke staze, pješačke staze, ski staze i slično),
- objekti za predah i kraće zadržavanje turista,
- kućice za organizaciju vjerskih i novogodišnjih praznika,
- ugostiteljski kapaciteti, smještajni kapaciteti, rekreacijski i drugi turistički sadržaji.

Pravo na dodjelu sredstava poticaja za realizaciju projekata imaju općine/gradovi, udruženja i fondacije registrovane prema Zakonu o udruženjima i fondacijama ("Službene novine Federacije BiH", broj: 45/02), čije dominantne aktivnosti su vezane za djelatnosti turizma na području Zeničko-dobojskog kantona, i privredni subjekti (pravna i fizička lica) sa sjedištem u Zeničko-dobojskom kantonu i registrovanim šiframa djelatnosti prema kriterijima.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na službenoj web stranici Kantona.

Organizacija-primatelj: Općine/gradovi, udruženja i fondacije, privredni subjekti

Kriteriji: Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava u 2022. godini, članom 28. stav (1) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2022. godini, tačkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe namjenskih sredstava.

3. ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO

Iznos: 300.000,00 KM

Iznos od **300.000,00 KM** (20% od 1.500.000,00 KM) namijenjen je za zakonom utvrđene obaveze sanacije i osiguranja osnovnog kapitala fonda Federalnog zavoda za penziono i invalidsko osiguranje.

REKAPITULACIJA

Rb	NAZIV PROGRAMA	Iznos sredstava /KM/
1.	PROGRAM RAZVOJA KONKURENTNOSTI PRIVREDE	700.000,00
1.1.	Podrška razvoju konkurentnosti privrede (investiranje u opremu)	300.000,00
1.2.	Subvencioniranje administrativnih troškova kod izgradnje proizvodnih objekata	300.000,00
1.3.	Promocija privrednih potencijala Zeničko-dobojskog kantona	100.000,00
2.	PROGRAM RAZVOJA TURISTIČKE INFRASTRUKTURE, TURISTIČKIH DESTINACIJA I PONUDE	500.000,00
3.	ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO	300.000,00
UKUPNO:		1.500.000,00

PREMIJER

Mirnes Bašić

Broj: 02-_____/22
Datum, 11.08.2022. godine
Z e n i c a

DOSTAVLJENO:

1x Ministarstvo za privredu,
1x Ministarstvo finansija,
1x a/a.